

Komitee- Schnitzelbank 1931

Baselbieterheieri

D'Wält isch ohni Gspass
's reinschti Pulverfass.
Und 's git immer dere, wo's entzünde wei.
Eusem Komitee,
wei mir kei Schuld dra geh,
will die jo 's Pulver nit erfunde hei.

D' Wält isch total konfus
reinschti Narchus
do chunt euserciner mängisch gar nüm noh
's isch alls wie doll und voll
He Sakkermänt jowoll
do möcht me mängisch uff dr Sau drvo!

Was umme z' Basel goht
efang im grosse Rot
döet mässe d'Schnörriwagner sich im Fründschafts-
L d'Allgemeininträssi [spiel
Verhaue die sich d'Frässi
im olte, guete Dürrebergerstiel.

's Tram im Untergrund
die Idee isch gsund
Aber ungsund Gas und Gschtank im Birsigbett.
Do wär am beste dra
Genossi Bodewitsch
V l er e Giftgasmaskeschnurre hett.

Migro und A.C.V. welle nögstens au
E fule-n-Eiertanz eus zum Beste geh
Jo weisch dä Migro isch chum uf Basel'cho
Und macht im A.C.V. scho 's Ranzeweh.

O du holde Tauber!
mit dim Stimmezauber
ziesch magnetisch alli Basler Dybli a.
si hänn dr Blueme geschänkt
mir hei im Stille dänkt:
e rechte — Tauber muess e Maie ha.

d'Basler Sänger stutze,
will die Bärnermutze
Hurti s'nögschti eidgenössisch Gsangfest wei.
Me sell halt nit vergässe
z'Bürn wei si alles frässe
Will si gäng die chronisch Frässlust hei

Und in Züri händ's
für d'Schönheitskonkurränz
noh gar kei bruchbars Hühnermaterial bynand.
Wenn's drzue sell cho,
wird bombesicher noh,
's Basler Zyttiganni — Miss of Switzerland.

Wenn du g'höre witt und gseh
Alli Schnitzelbänk vom Komitee
Muesch du in Musigsaal drnoh
Am nöschste Sunntig z'obe cho!